



## Publicaziuns dalla vischnaunca, jamna 10

### Damondas da baghegiar

#### Nr. 2012-1007

**Datum da publicaziun:** ils 9 da mars 2012

**Il patrun:** Recal AG, Via Alpsu 49, 7180 Disentis/Mustér

**Il representant:** Iso Mazzetta, biro d'inschignier, Via Principala 125, 7166 Trun

**Object:** Cumpletar la reit da provediment dil scaldament lontan; viers ost, Via dalla Staziun, Via Lucmagn, Via Alpsu, Via Sogn Sigisbert, Via Sursilvana, Via Cavardiras, Via Davos-Mustér, Via Sontget, Via Chischliun e Via dils Larischs; viers vest, Via Alpsu, quartier Acla da Fontauna, 7180 Disentis/Mustér

#### Nr. 2012-1008

**Datum da publicaziun:** ils 9 da mars 2012

**Il patrun:** Artavels Gadola-Dedual, Via Alpsu 9, 7180 Disentis/Mustér

**Il representant:** Maissen architectura ed immobilias SA, Via Alpsu 8, 7180 Disentis/Mustér

**Object:** Casa da habitar e da fatschenta nr. 65 A, sanaziun energetica, parcella 711, Via Lucmagn 6, 7180 Disentis/Mustér

#### Nr. 2012-1009

**Datum da publicaziun:** ils 9 da mars 2012

**La patruna:** Gabrielle Hitz, Hardturmstrasse 130a, 8005 Turitg

**Il representant:** Maissen architectura ed immobilias SA, Via Alpsu 8, 7180 Disentis/Mustér

**Object:** Construcziun d'ina casa nova d'ina habitaziun, parcelas 1833 e 1834, Via Plaun Sut 13, 7180 Disentis/Mustér

#### Nr. 2012-1010

**Datum da publicaziun:** ils 9 da mars 2012

**Il patrun:** Fabio Ferrari, Via Vedeggi 66b e Diana Ferrari, Via Pastura 6983 Magliaso

**Il representant:** Reto Schnoz, Gassa da Cuoz 25, 7186 Segnas

**Object:** Midada d'intent dil luvratori, construcziun da duas habitaziuns, parcella 1681, Val da Cuoz 1, 7186 Segnas

#### Nr. 2012-1011

**Datum da publicaziun:** ils 9 da mars 2012

**La patruna:** Luigina Greco-Tarchini, Allmendstrasse 9, 8700 Küsnacht ZH

**Il representant:** Luigina Greco-Tarchini, Allmendstrasse 9, 8700 Küsnacht ZH

**Object:** Sanaziun dalla part casa 34A, parcella 26, Via Foppas 34A, 7186 Segnas

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 6-3-2012

*Uffeci da baghegiar*

*Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 16 da mars 2012** allas 20.15  
en casa communal ad ina seduta.

### Tractandas:

1. Protocol nr. 24-2009/2012
2. Cuminonza da maschinas forestalas Cadi: Participaziun e statut (messadi nr. 39-2009/2012)
3. Revisiun parziala dalla lescha davart ils dretgs politics (messadi nr. 38-2009/2012)
4. Program d'actividad 2009–2012: Actualisaziun e controlla (messadi nr. 37-2009/2012)



5. Postulat per in register public dils defuncts dalla vischnaunca da Disentis/Mustér: Risposta (postulat nr. 4-2009/2012)
6. Postulat per ina elaboraziun d'in pareri entras in biro specialisau partenent .zonas da tempo 30. Risposta (postulat nr. 5-2009/2012)
7. Ura da damondas (conform ad art. 44 dil regulativ da fatschentas)

*La presidenta dil cussegl da vischnaunca*

---

### **Votaziun cantunala e communal Elecziun cantunala e regiunala**

L'urna principala en casa communal ei aviarta sco suonda:

**Sonda, ils 10-3-2012, 18.30–19.30**  
**Dumengia, ils 11-3-2012, 9.00–11.00**

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton sil pli tard entochen venderdis, ils 9 da mars 2012 allas 17.00 tier l'administraziun communal (tel. 081 920 36 36).

### **Levgiament da votar**

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brev dalla casa communal.

Ils cedels da votar ston esser **sil pli tard la sonda, ils 10 da mars 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

*Suprastonza communal Disentis/Mustér*

### **Projects comunals**

Las autoritads comunals recomandan d'approbar aschibein la meglieraziun funsila sco era la revisiun parziala dalla planisaziun locala.

---

### **Annunzias per scoletta ed emprema classa**

Annunzias pil niev onn da scola 2012/13 per la scoletta e l'emprema classa ein da tarmetter **tochen ils 23 da mars 2012** al meinascola (Kai Hinrichsen, Via da scola 5, 7180 Mustér).

---

### **Caplania Segnas Invit alla radunonza generala**

**Dumengia, ils 18 da mars 2012 allas 19.30 en sala dalla casa da scola, Segnas.**

La gliesta da tractandas ei publicada en scaffa avon baselgia.

*Sperond a stedia participaziun envida la suprastonza*



## Uniun da dunnas Mustér

### L'uniun da dunnas Mustér organisescha il suadont cuors: Fletrar folets (Wichtel)

**Menadra:** Annamaria Schnoz

**Liug:** local Uniun da dunnas Mustér

**Temps:** 19.00–22.00

**Datums:** ils 15/19/22/26 ed ils 29 da mars 2012

**Annunzias:** Las annunzias prendel bugen encunter tochen ils 10 da mars 2012:

Sigrid Loretz, tel. 081 947 40 29  
natel 076 517 88 79  
e-mail: sigrid\_loretz@hotmail.com

---

## Uniun da dunnas Mustér

### Mummas cun affons pigns

#### *Fiera da resti d'affons cun stiva da caffè*

Nus prendein encunter bien, schuber ed entir resti da stad e d'unviern tochen grondezia 176, termagls, calzers, sezs d'autos e da meisa, crotschas, velos eav.

Dunnas che drovan ina nova numera, ni han damondas san prender si contact cun Susanne Strupler, tel. 081 936 43 14.

#### **Dar giu resti:**

Venderdis, ils 16 da mars 2012 dallas 16.30–17.00.

**Adatg!** Mintga grondezia da resti separau en ina tastga.

#### **Vendita:**

Venderdis, ils 16 da mars 2012 dallas 19.00–21.00.

Sonda, ils 17 da mars 2012 dallas 9.00–10.30.

#### **Retuorn dil resti buca vendiu (minus 20%):**

Il resti vegn returnaus e pagaus sonda ils 17 da mars 2012 dallas 13.15–13.30. Per uorden che maunca surprandin nus negina responsabladad.

#### ***Kinderkleiderbörse mit Kaffeestube***

Wir nehmen gut erhaltene, saubere und ganze Sommer- sowie Winterkleider bis Gr.sse 176 entgegen, sowie Spielsachen, Schuhe, Auto- und Tischsitze, Kinderwagen, Velos usw.

Frauen, die eine Nummer brauchen oder Fragen haben, können mit Susanne Strupler, Telefon 081 936 43 14, Kontakt aufnehmen.

#### **Annahme:**

Freitag, 16. März 2012, von 16.30 bis 17.00 Uhr in der Turnhalle Cons, Disentis

**Achtung:** Jede Kleidergrösse separat in eine Tasche

#### **Verkauf:**

Freitag, 16. März 2012, von 19.00 bis 21.00 Uhr

Samstag, 17. März 2012, von 9.00 bis 10.30 Uhr  
in der Turnhalle Cons, Disentis



**Auszahlung (abzüglich 20%) und Rückgabe:**

Samstag, 17. März 2012, von 13.15 bis 13.30 Uhr. Für fehlende Sachen übernehmen wir keine Haftung.

*Mummas cun affons pigns*

---

**Cuors da tiradurs giuvens e juvenils 2012**

Giuvnas e giuvens dall'annada 1992–1995 e juvenils dall'annada 1996–1998 che havessen tschaffen ed anim da prender part als cuors da giuvens tiradurs 2012 ed al cuors dils juvenils 2012 che ei pli u meins a fin il meins zercladur, han la caschun da s'annunziar **tochen ils 18 da mars 2012!** Quei saveis Vus far cun dar in telefon: 081 949 14 12 ni 079 645 64 81.

---

**Center sursilvan d'agricultura**

***Baghegiar natural – cun arschella, crap, lenn***

**Gievgia, ils 22 da mars 2012 allas 17.00**

Referat da Martin Meiler ([www.biologischbauen.ch](http://www.biologischbauen.ch)) ellas localitads dil Center sursilvan d'agricultura a Salaplauna/ Mustér. Martin Meiler declara co ins baghegia sanadeivel ed ecologic, per ch'il baghegiar e habitar ei emperneivels e bials. Avon il referat sa vegnir priu investa ella casa dalla famiglia Flepp-Degonda alla Via Alpsu 37 a Mustér. Suenten il referat dat ei ina pintga tscheina, perquei ei in'annunzia **tochen ils 18 da mars 2012** giavischada.

**Annunzia ed informaziun:**

Tel. 081 936 48 00 ni [www.agricultura.ch](http://www.agricultura.ch).

*Cordial beinvegni fa Center sursilvan d'agricultura*

---

**Radunonza generala dils dretgs e dalla chischada dall'alp Nalps e Tegia-miez**

**Mesjamna, ils 14 da mars 2012 allas 20.15  
ell'ustria «Cresta», Segnas.**

Suenten radunonza vegn offeriu als presents in pign pushegn.

*A stedia participaziun envida la suprastonza*

---

**Uniun samaritana Mustér**

Nies proxim exercezi meinsil ha liug:

**Gliendisdis, ils 12 da mars 2012 allas 19.30  
en casa da scola, Cons.**

*A stedia participaziun envida la presidenta*

---



**Societad da tir Desertina**  
**Radunonza generala**

**Venderdis, ils 16 da mars 2012 allas 20.00**  
**ell'ustria dil stan da sittar Sars sut.**

*Cordialmein envida la suprastonza*

---

**Uniun da dunnas Medel**  
**Emprender da dar troccas (per novizas)**

Mira sut Medel/Lucmagn!

---

**TCS Sektion Graubünden**  
**Regionalgruppe Surselva**  
**Einladung zur Generalversammlung**

Siehe unter Surselva!

---

**Casa sogn Giusep, Cumpadials: Preavis**  
**Conflicts en instituziuns? Co reagir?**

Mira sut Sumvitg!

---

**Ludoteca Mustér**

**Liug/Ort:** Halla Cons, tel. 076 494 39 92

**e-mail:** [ludoteca@disentis.ch](mailto:ludoteca@disentis.ch)

**Uras d'avertura/Öffnungszeiten:**

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

---

**Biblioteca populara Mustér**  
**Praulas e historias cun Mats, la miur**

Eis ti denter 3 e 6 onns?

Has ti gust da vegnir cun tia mumma ni cun in'otra persuna d'accumpignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpras e quei mintga gada il secund venderdis dil meins dallas 14.30 entochen ca. allas 15.30. Nus selegrein zun fetg sin tei...

Tgisà, forsa anflein nus mintgatun aunc enzatgei auter che mo cudischs en nossa valischa da surpras! Cun ils pli cars salids e sin seveser tochen gleiti.

*Mats, la miur ed il team dalla biblioteca populara Mustér*



**Biblioteca populara Mustér**

**Liug:** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

**La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !  
Nus selegrein da mintga viseta.

*Biblioteca populara Mustér*